

La Banca Chantunala Grischuna ed il HCD prolungheschan lur partenadi da sponsoring fin il 2016

Cuira/Tavau, ils 20 d'avust 2013 – La Banca Chantunala Grischuna ed il Club da Hockey da Tavau prolungheschan lur partenadi da sponsoring ch'exista dapi il 1999 per ulteriurs trais onns fin il 2016. La banca tutga damai era vinavant tar ils tschintg sponsurs principals dal club da hockey sin glatsch.

La Banca Chantunala Grischuna sustegna il HCD en il rom da ses engaschi da sponsoring dapi il 1999. Questa collavuraziun cuntinuescha ussa fin il 2016. Il president dal HCD, Gaudenz Domenig, sa legra ch'il partenadi cumprovà cuntinuescha: «Il sustegn da la BCG è per nus ina ferma pitga. Nossa cuntraprestaziun è il success sportiv constant sut il trenader principal Arno Del Curto cun tschintg titels da campium e dus titels da vicecampium.»

Per Alois Vinzens, CEO da la Banca Chantunala Grischuna, sa basa quest'istorgia da success da blers onns sin il fatg che omadus partenaris sa sentan obligads a las medemas valurs: «Il HCD simbolisescha per mai a moda impressiunanta l'attaschadadad cun il Grischun ed a medem temp cumpetenza – valurs ch'èn er impurtantas per la BCG.» La Banca prolungheschia il contract da sponsoring cun plaschair e persvasiun, ha accentuà Alois Vinzens. Quai betg il davos sin fundament da la lavur professiunala ch'è vegnida fatga ils ultims onns tar il Club da Hockey da Tavau.

La Banca Chantunala Grischuna na s'interessa però betg mo per l'emprima squadra dal HCD. Cun la scola da hockey BCG promova la banca era la generaziun giuvna. Cun quest sustegn surpiglia la BCG responsabladad sociala e contribuescha sia part a la promoziun dal sport da massa ed a la qualitat da viver en il Grischun.

A Vossas dumondas davart il partenadi da sponsoring da la BCG e dal HCD respundan gugent:

- Alois Vinzens, CEO BCG | +41 81 256 94 26
- Gaudenz Domenig, president HCD | +41 44 254 55 55

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'090 collavuraturas e collavuratur (stadi dals 30-06-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaquint semestral preschenta ella cun ina summa da bilantscha da CHF 19,087 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2013: 7 da favrer 2014
Radunanza dals participants: 12 d'avrigl 2014

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch